



Broj: 01-02-2621/23-1
Lukavac: 28.07.2023. godina

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine F BiH“, broj: 12/03 i 65/13), člana 25. Uredbe sa zakonskom snagom o ustanovama („Službeni list RBiH“ broj: 6/92, 8/93 i 13/94), člana 2. Odluke o utvrđivanju uslova i kriterija za imenovanja na pozicije u regulirane organe („Službeni glasnik Općine Lukavac“, broj: 6/04 i 9/17), i člana 105. Statuta Općine Lukavac – prečišćeni tekst („Službeni glasnik Općine Lukavac“, broj: 5/08 i 1/14) člana 21. i člana 36. stav 2. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni Glasnik Grada Lukavac“ broj: 1/22) i Odluke o raspisivanju i utvrđivanju teksta Javnog oglasa za izbor i imenovanje predsjednika Upravnog odbora Javne ustanove „Centar za kulturu Lukavac“ broj: 02-02-2621/23 od 30.06.2023. godine, člana 18., člana 19. i člana 23. Pravila Javne ustanove „Centar za kulturu Lukavac“ broj: 380/23 od 14.03.2023. Gradsko vijeće, objavljuje:

JAVNI OGLAS
za izbor i imenovanje predsjednika Upravnog odbora
Javne ustanove Centar za kulturu Lukavac

Objavljuje se Javni oglas za izbor i imenovanje Predsjednika Upravnog odbora Javne ustanove Centar za kulturu Lukavac (u daljem tekstu: Ustanove) na mandatni period do isteka mandata aktuelnom Upravnom odboru JU „Centar za kulturu Lukavac“ imenovanom rješenjem, broj: 02-02-2281/21 od 07.06.2021.godine.

I - Opis upražnjene pozicije

Nadležnost Upravnog odbora propisana je Pravilima Javne ustanove i podrazumjeva obavljanje slijedećih poslova:

- donosi Pravila ustanove uz saglasnost Osnivača
- imenuje i razrješava direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom i Pravilima ustanove, uz saglasnost Gradonačelnika
- odlučuje o svim pitanjima obavljanja djelatnosti, radi koje je Ustanova osnovana, ako zakonom nije određeno da o pojedinim pitanjima odlučuje drugi organ Ustanove,
- usmjerava, kontroliše i ocjenjuje rad direktora,
- rješava sva pitanja odnosa sa Osnivačem
- odlučuje o korištenju sredstava preko iznosa utvrđenog Pravilima Ustanove
- rješava sva pitanja odnosa sa Osnivačem
- odgovora osnivaču za rezultate rada Ustanove,
- odlučuje o prigovoru radnika na rješenje direktora kojim je odlučeno o pravu, obavezi i odgovornosti radnika iz radnog odnosa,
- podnosi Osnivaču najmanje jedanput godišnje izvještaj o poslovanju Ustanove,
- vrši i druge poslove u skladu sa zakonom i Pravilima Ustanove.

II - Kandidat za predsjednika Upravnog odbora mora ispunjavati slijedeće opće i posebne uslove:

a) Opći uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njega ne odnosi član IX.1. Ustava BiH po kome ni jedna osoba koja izdržava kaznu izrečenu od strane Međunarodnog suda za bivšu Jugoslaviju i ni jedna osoba koja je pod optužbom Suda i koja se oglasila o poziv da se pojavi pred sudom ne može se kandidovati niti može obnašati nikakvu naimenovanu, izbornu ili drugu javnu funkciju na teritoriji BiH,
- da se protiv njega ne vodi krivični postupak, odnosno da nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju u roku od pet godina od dana izdržane, izmirene, zastarjele ili oprostene kazne.

b) Posebni uslovi:

- da ima završenu najmanje VSS - VII stepen odgovarajućeg zanimanja zavisno od djelatnosti reguliranog organa,
- da ima najmanje 1 (jednu) godinu radnog iskustva nakon sticanja visoke stručne spreme na poslovima u okviru svog zanimanja,
- da nema privatni finansijski interes u reguliranom organu za koji se kandiduje,
- da nije član upravnog, izvršnog ili drugog organa političke stranke i
- da nije član upravnog ili nadzornog odbora u više od jednog reguliranog organa.

III - Za sve kandidate koji ispunjavaju opće i posebne uslove, u postupku konačnog izbora uzeće se u obzir i slijedeći kriteriji:

- veći stepen stručne spreme srodnog zanimanja,
- komunikativne i organizacione sposobnosti,
- minimum znanja o organizaciji i djelatnosti reguliranog organa,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- sposobnost upravljanja finansijskim i ljudskim resursima,
- naklonjenost timskom radu,
- rezultati rada tokom karijere i
- poželjno poznavanje jednog stranog jezika

IV – Dokumenti koji se prilažu uz prijavu na javni oglas moraju biti u originalu ili ovjerene fotokopije:

Uz pismenu prijavu kandidati su obavezni priložiti slijedeće:

1. svojeručno potpisanu kraću biografiju sa adresom i kontakt telefonom (CV),
2. izvod iz Matične knjige rođenih
3. uvjerenje o državljanstvu (ne starije od 6 mjeseci),
4. univerzitetska diploma
5. uvjerenje o radnom iskustvu u struci, potpisano i ovjereno od strane poslodavca ili uvjerenje Porezne uprave o uplaćenim porezima i doprinosima
6. potpisanu i ovjerenu izjavu od strane nadležnog organa kojom kandidat potvrđuje slijedeće:
 - da se na kandidata ne odnosi član IX 1. Ustava BiH

- da nije osuđivan za krivično djelo ili privredni prestup, koji je nespojiv sa obavljanjem dužnosti predsjednika Upravnog odbora javne ustanove
- da nije osuđivan za prekršaj koji je nespojiv sa obavljanjem dužnosti predsjednika Upravnog odbora javne ustanove
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti BiH
- da nije otpušten iz državne službe kao rezultat disciplinske mjere, prethodne tri godine do dana objavljivanja Javnog oglasa
- da nije član upravnog, izvršnog ili drugog organa političke stranke,
- da nema privatni finansijski interes u Ustanovi u čiji se upravni odbor kandiduje,
- da nije član upravnog ili nadzornog odbora u više od jednog reguliranog organa.

Komisija zadržava pravo da ostale dokaze u vezi sa datom Izjavom zatraži naknadno. Ukoliko aplikanti u roku od najkasnije 15 (petnaest) dana od dana traženja dokaza isti ne dostave, smatrat će se da nisu dostavili potpunu dokumentaciju.

V – Izbor i Imenovanje Predsjednika Upravnog odbora vrši se na period do isteka mandata aktuelnom Upravnom odboru JU „Centar za kulturu Lukavac“ imenovanom rješenjem, broj: 02-02-2281/21 od 07.06.2021.godine.

Naknada za obavljanje dužnosti predsjednika Upravnog odbora će se odrediti u skladu sa Odlukom Gradskog vijeća.

Svi kandidati čije su prijave formalno-pravno ispravne bit će pozvani na intervju.

Kandidati koji su uredno pozvani a nisu se pojavili na intervju, neće se uzeti u obzir u daljem postupku za izbor i smatrat će se da su odustali od kandidature.

O rezultatima konkursa kandidati će biti obaviješteni pisano, putem pošte na adresu navedenu u prijavi u roku od osam (8) dana od dana donošenja Rješenja o imenovanju predsjednika Upravnog odbora Ustanove.

Ovaj Javni Oglas objavit će se u jednom od bh. dnevnih listova većeg tiraža, Službenim novinama FBiH i web stranici Grada Lukavac.

Javni oglas ostaje otvoren 15 (petnaest) dana od dana objavljivanja u „Službenim novinama FBiH“, jednom od bh. dnevnih listova većeg tiraža i web stranici Grada Lukavac.

VI – Podnošenje prijava i rokovi za dostavljanje prijava i dokumentacije

Prijave sa cjelokupnom traženom dokumentacijom sa naznakom:

“Javni Oglas za izbor i imenovanje predsjednika Upravnog odbora Javna ustanova „Centar za kulturu „ Lukavac - NE OTVARAJ“, podnose se putem pisarnice Grada Lukavac lično ili šalju poštom preporučeno na ADRESU: Grad Lukavac, Komisija za izbor i imenovanje predsjednika i Upravnog odbora Centar za kulturu Lukavac, Ulica Trg slobode br.1, 75 300 Lukavac.

Nepotpune i neblagovremene prijave neće se razmatrati.

PREDSJEDAVAJUĆI
GRADSKOG VIJEĆA
Suad Salibašić, dipl.ecc